

Монъгълин кочегарк

УЛАН-БАТОР, декабрин 26 (ТАСС). Налайхин нүүрснэ ормсиг Монъгълин кочегарк гидж нерэдцхана. 35 джил хооран нүүрснэ эн ормс олн-ämtнэ гарт орхд, энүнд негл цöбкн кöдлмшчнр, ооляр болн күрзэр малтдж, бичкихн нүүрс гаргьдг билä.

Давсн джилмүдт энүнд механизированн шахтс бүрдэгдв. Бургъун машинд, конвейрс, нань чигн оборудованьс шахтерин кöдлмшинг амрдулад, кöдлмшин ашиг кемджән угагъар öдлүлв. Эн джил Налайхид, 1922 джил гаргьгдсар болхла, 465 холван ик нүүрсн гаргьгдв. Эн джил тöгсджäh хойрдгч тавн джилä зура болзгасн öмн дуусгдв.

Шидрäs кöдлмшт орулдгджах Налайха-капитальная гидг шахт суткдан 2 минъгъшаху тонн нүүрс гаргьдг болхмн—эннь Налайхад ода бääх шахтс цугъар гаргьдг нүүрснäs күс-дундур холван ик болхмн. Шахт öдгä цагин советск техникär аксгдв. Нүүрс гаргьлгъна кöдлмш кевтән механизировать кегдв. Монъгълин промышленностин ик предприятия болгч эн шахт ик öндр уул деер, данъгин кöрä бääлг газрт бääсн бийнь, Советск Союзин финансовой болн техническ дөнъгär, хойрхн дундур джилин эргцд тосхгддж дуусгдв.

Налайха-капитальная гидг шахт тосхлгънд советск, специалистнр, Монъгълин болн Китдин кöдлмшчнр орлццхав.

Öнърсн 35 джилин эргцд республикд квалицированн шахтерск кадрмуд öсäd, монъгълин багъ наста кöдлмшч классин түрүн нүүрт йовгч нег отряднь болв.

Нүүрснэ копейсиг национализац кегъад 35 джил болс-нас иштä Монъгълин Олн-ämtнэ Республикин Олн-ämtнэ Алдр Хургин Президиум кесг шахтермүдиг орденьсär болн медальмүдär ачлв. Сән гисн крепильщик - проходчик Д. Даважавд орн-нутгт түрүн болдж Монъгълин Олн-ämtнэ Республикин Куч-кöлснэ Герой гисн нерн зүүлгьдв.

Джил болгън декабрин 25-д Горнякин öдр гидж темдглх шиидвр батлгддж авгдв.